

150500. Фар. ш.л. Данғара шаҳарчаси, Ташкент кўчаси, 124.
Х/Р 20208000704854100001 «Ўзсаноатқурилишбанк» Қўқон филиали,
МФО 00531. ИНН: 301 628 538
Тел: 572-17-75; (+99890) 292-84-90.

150500. Far. vil. Dang'ara shaharchasi, Toshkent ko'chasi, 124.
H/R 20208000704854100001 «Ozsanoatqurilishbank» Qo'qon filiali,
MFO 00531. INN: 301 628 538
Tel: 572-17-75; (+99890) 292-84-90.

“ 29 ” октябрь 2020 йил

№ 29/1

Ўзбекистон Республикаси
Олий Мажлис депутати
Бегматов Равшан Бердиалиевичга

“ANDROMEDA BIZNES” маъсулияти чекланган жамият раҳбарияти Сизга шуни маълум қилади, яъни 2018 йил январь-апрель ойларида “ANDROMEDA BIZNES” МЧЖ билан Фарғона шаҳар ободонлаштириш бошқармаси ўртасида товар-маҳсулотлар етказиб бериш бўйича 2018 йил 1-февралда 75-сонли, 2018 йил 5-мартда 85-сонли, 2018 йил 30-мартда 102, 104, 105, 106, ва 107-сонли шартномалар тузилган. Шартномада кўрсатилган товар-маҳсулотлари Фарғона шаҳар ободонлаштириш бошқармасига ўз вақтида етказиб берилган.

Етказиб берилган товар-маҳсулотлар учун шартномаларда кўрсатилган сумманинг 15% ли тўлови амалга оширилган.

Шартнома шартларига кўра харидор етказиб берилган товар маҳсулотлари учун бир ой муддатда қолган суммани тўлаши керак эди. Лекин тўлов амалга оширилмади.

“ANDROMEDA BIZNES” МЧЖ раҳбарияти шартномалар бўйича тўловни амалга оширишни сўраб талабномалар билан Фарғона шаҳар ободонлаштириш бошқармасига мурожаат қилди. Лекин тўлов амалга оширилмади.

Шундан сўнг “ANDROMEDA BIZNES” МЧЖ раҳбарияти 2018 йил май ойида Фарғона туманлараро иқтисодий судига даъво аризаси билан мурожаат қилди. Суд мажлиси 2018 йил 22 июнда кўрилди (Суд мажлиси қарори илова қилинади).

Фарғона туманлараро иқтисодий судининг қарорига асосан 2018 йил 23 июлда 4-1501-1803/4316-сонли “Ижро варақаси” чиқарилди.

2020 йил июнь ойигача кўрсатилган қарздорликни қисман-қисман тўлаб 121.000.000 (бир юз йигирма бир миллион) сўм қарздорлик қолди. 2020 йил 10 июнь санасида Данғара туманига Ўзбекистон Республикаси тадбиркорларни қўллаб қувватлаш бўйича Президент вакили Дилмурод Қосимов тадбиркорлар билан учрашув ўтказди. Шу йиғилишда мазкур масала бўйича Дилмурод Қосимовга мурожаат қилдим. У бу масалани тез орада ҳал қиламиз деб ваъда берди. Эртасига 11 июнь куни Фарғона шаҳар ободонлаштириш бошқармаси бошлиғи А. Назиров ҳамда Фарғона шаҳар Мажбурий Ижро Бюроси бошлиғи биргаликда масалани ҳал қилиш учун чақирди. Улар ушбу қарздорликни жорий йилнинг август ойи ичида тўлаб беришга кафолат хати беришди. Шу кунгача тўлов амалга оширилгани йўқ.

“ANDROMEDA BIZNES” МЧЖ томонидан етказиб берилган товар маҳсулотлари (электр ва хўжалик моллари) Фарғона шаҳрида янги қурилган стадионни ҳамда кўча чироқларини жиҳозлаш учун етказиб берилган. Ушбу стадион жаҳон стандартларига, жаҳон футбол федерацияси ФИФА талабларига жавоб берадиган даражада қурилгани аниқ.

Наҳотки, халқаро аҳамиятга эга иншоот учун Давлат бюджетидан маблағ ажратилмаган бўлса, агар ажратилган бўлса нима учун товар маҳсулотларини етказиб берган тадбиркорга тўлов тўлиқ амалга оширилмайди ёки Ўзбекистонда қонун устуворлиги мавжуд эмасми, ушбу иншоот бир тадбиркорнинг маблағи эвазига


жиҳозланса, у тадбиркор маблағини ундира олмай сарсон бўлса, маблағи йўқлиги сабабли фаолият кўрсата олмаса, ўз ходимларига ойлик маош тўлай олмаса.

Ушбу масала юзасидан деярли 3 йил мобайнида Вилоят Прокуратурасига, Вилоят Хокимлигига, Вилоят МИБга, Данғара туман Бош Вазир қабулхонасига, Вилоят тадбиркорларни қонуний қўллаб- қувватлаш ва кўмаклашиш марказига, Ўзбекистон Республикаси Бош прокуратурасига мурожаат қилдим. Лекин шу кунгача бу масала ҳал этилгани йўқ.

Мен тадбиркорман, солиқ тўловларини ўз вақтида тўлаб келмоқдаман. Агар мен солиқдан ёки бирон бир давлат идораси томонидан қарздорлигим бўлганда мендан қонунга асосан ҳар қандай йўл билан уй жойимни ёки мулкимни мусодара қилиб бўлса ҳам ундириб олинар эди.

Юқорида зикр этилганларни эътиборга олиб “ANDOMEDA BIZNES” МЧЖ раҳбарияти Сиздан ушбу масалани ижобий ҳал қилиб беришингизни сўрайди.

“ANDOMEDA BIZNES” МЧЖ
раҳбари:



Б. АКМАЛДИНОВ